

NAIGHEACHDAN.

Chaidh fear Padruig Caimbeul, a mhuinntir French Vale, a thoirt do 'n tigh-chaothaich feasgar Di-luain. Bha e 'g obair anns a Mheinn a Tuath nuair a chaidh e as a rian.

Thainig fear Alasdair Domhnullach dhachaidh do Hogamah, o chionn ghoirid, an deigh dha a bhi air falbh fad shia 'bliadhn' deug. Bha e pairt dhe'n uine sin anns a Chlondaic, agus tha iad ag radh gu bheil aige de chuid an t-saoghail so, na chumas e gu sona seasgair fhad 's is beo e.

Tha sinn dailch gu bheil an t-Urr. I. F. Forbes gun chomas searmonachaidh fhathast, tha e ann an deagh shlainte, ach tha a ghuth lag, agus tha na dotairean a baeail dha ionnsuidh sam bith a thoirt air labhairt. Tha an t-Urr. Domhnull Mac Odrum ri searmonachadh na aite air an t-Sabaid s'a tighinn. Air an da Shabaid nu dheireadh shearmonach an t-Urr. F. C. Simpson. Bha Mr. Simpson a searmonachadh an so roimhe, a dheich bliadhna 'n t-samhradh so, 'nuair a bha an t-Urr. Alasdair Mac Fhearchair, nach maireann, air chuairt an Alba.

Bha teine mor anns a choille air cul na Shipyard Di-satharna s'a chaidh. Bha an soirbheas gu math laidir, a seideadh an teine dh'ionnsuidh a bhaile, agus bha e cunnartach gu 'm biodh call mor air a dheanamh, ach fhuair e casg a chur air mu'n d' thainig e ro-fhada nuas, agus nuair a thionndaidh a ghaoth, chaidh e as gu buileach. Greimich an teine air sabhal "Sherwood" agus air tigh Chaiptein Mhic Neill, ach fhuair e casg a chur as gun e call sam bith a dheanamh.

Cha'n eil an t-ard-riaghladh an deigh so a dol a thoirt cuideachadh sam bith do na Galicians a tha tighinn do'n duthaich; tha na h-uiread diubh tighinn 's nach cilear a meas gu leigear a leas tathunn sam bith a dheanamh orra. A reir barail iomadh neach tha tuilleadh s'a choir dhiubh anns an duthaich cheana. Is coir do'n Riaghladh a bhi gle fhaicilleach a thaobh ciod a ghne dhaoine do'n toir iad cuideachadh a' tighinn do'n duthaich. Cha'n urrainnear sluagh sam bith a dhunadh a mach gu buileach, ach cha bhiodh e iomchuidh cuideachadh a thoirt do shluagh sam bith ach dhaibhsan a tha iad cinnteach a bhios 'nan daoine feumail riaghailteach nuair a ghabhas iad combuidh 'nar measg.

Chaidh ceathrar de dhaoine 'og a bhaile so a thoirt gu cuirt air an t-seachdain s'a chaidh air son a bhi ruith tuilleadh us luath leis na rothairean, agus chaidh cain, da dholair am fear, a chur orra. Cha'n eil teagamh nach robh sin ceart gu leor a dheanamh, oir tha e cunnartach a bhi ruith nam cuidhleachan ro-luach; ach shaoileamaid gu'm bu choir laghannan eile bhi air an cumail a cheart cho math, agus iadsan a tha 'gam bristeadh a bhi air am peanaisteachadh. Tha suas ri deich air fhichead de thaighean-oil ann an Sidni, a creic stuth laidir an aghaidh an lagha, agus ged a tha deagh fhios aig luchd-dreuchd a' bhaile air sin cha'n eil iad a toirt oidhearp sam bith air casg a chur orra.

Tha ceann-feadhna nan Innseanach (mic-macs) ann an Nova Scotia a deanamh a dhachaidh ann aite ris an canar Half Way River an siorrachd Cumberland. 'Se Logan is ainm dha agus chaill e a bhean o chionn ghoirid. Bhuineadh i do threibh na Mohawks, agus bha i ceud bliadhna 'sa tri a dh'aois.

Thoisicheadh air cladhach as ur air son guail ann am Port Morien air an t-seachdain s'a chaidh. Tha mu choig duine fichead ag obair, agus cho luath 'sa ruigear an gual, 'toisichear air a chur a mach. A reir coltais, tha a chuideachd aig am bheil a mheinn a dol 'ga cur air adhart gun teagamh sam bith, agus tha sin na sgeul math do mhuinntir an aite.

Cha'n eil aig na Frangaich ann an Newfoundland am bliadhna ach sia factoridhean ghiomach far an robh tri deug aca 'n uiridh. Eadar iasgach nan giomach 's an truisg, cha'n eil ach gann ceithir cheud dhiubh timchioll nan cladaichean sin air an t-samhradh so, an aireamh bu lugha bha ann dhiubh riamh o'n thoisich iad air tigh'n ann an toiseach. Tha e soilleir nach 'eil an coraichean air cladaichean Newfoundland a chum moran prothaid dhaibh, agus nach eil a toirt orra bha 'gan seasamh cho dion ach an diorras.

Bha teine mor ann am baile St. John, N. B., seachdain gus an de, leis an robh ceud gu leth tigh air an losgadh. Bha an teine ann an earrann de 'n bhaile a bha air aiteach le daoine dubha, agus cha robh anns a chuid bu mhotha de na taighean ach togalaichean fiodha; bha gaoth laidir ann, agus sgaoil an teine gu bras. Bha aon bhoirionnach air a losgadh gus bas, seana bhean, ceithir fichead bliadhna dh'aois, a dhiult an tigh anns an robh i fhagail; agus chaidh te eile a cochall a cridhe leis an eagal. Tha call nan taighean 's an innsridh a bha 'nam broinn air a mbeas aig \$500,000; bha \$300,000 de dh' airgead-cinnteachaidh orra. Tha mu cheithir cheud de'n t-sluagh a nise gun dachaidh agus tha muinntir a bhaile a' gabhail curam dhiubh.

Bha coinneamh cleire ann an Louisburg Di-ciaduin air an t-seachdain s'a chaidh, aig an robh an t-Urr. L. A. Mac-Gilleain air a phosadh ri eaglais a bhaile sin air son bliadhna. Bha gairm o choithional Marion Bridge do 'n Urr. Domhnull Mac Odrum, air a chur fa dhomhair na cleire. Ghabh Mr. Mac Odrum ris a ghairm, agus tha e ri bhi air a shuidheachadh anns a choithional air an t-siathamh latha dhe'n mhios. Tha an t-Urr. Uilleam Grand, Port Morien, an deigh gabhail ris a ghairm e fhuair e o choithional Ghrand River; bha e air a shuidheachadh ann an de. Bha Mr. Grand ann am Port Morien o chionn iomadh bliadhna, a saothreachadh le mor-thaitneas do 'n t-sluagh, aig am bi ionndrain mhor air, ach tha am baile air a dhol air ais cho mor o chionn bliadhna no dha 's nach eil e comasach dhaibh ministear a chumail.

Am Bathar a's Fhearr.


Na Preisean a's Isle.

—GHEIBH THU SIN AIG—

MATHESON, TOWNSEND & CO.,
SIDNI, C. B.

Bathar Tioram, Aodaichean, Amhlan, agus iomadh seorsa bathair nach gabh ainmeachadh an so.

THIG AGUS GHEIBH THU BARGAN.



MA tha **BUGGY, CONCORD, EXPRESS** no **ROAD CART** a dhith ort air an earrach so, bhiodh e chum do bhuannachd sealltuinn air an stoc againne. Bidh aireamh mhor de charbadan ur a stigh againn mu mheadhain Maigh—carbadan cho math 'sa thainig riamh do 'n duthaich. Sgrìobh againn air son phrisean.

F. FALCONER & SON,

Luchd-gnothuich do'n Canada Carriage Co. an Ceap Breatunn.
SIDNI, C. B.

AMHERST BOOT & SHOE Mfg. Co
AMHERST, N. S.

A Chuideachd Ghriasachd a's Motha tha 's na Roinnean Iseal.

Tha ar Brogan, agus gach seorsa caiseirt a tha sinn a deanamh, an deigh ainm mor fhaotainn.

Tha Mr. D. F. Domhnullach, a Stellarton, a' cur cuairt as ar leth air Ceap Breatunn 's taobh an ear Nobha Scotia, uair 'san raidhe. Ann am baile Halifax tha sinn a' cumail aig 153 Granville Street.

TAILLEARACHD.

Deiseachan matha air an deagh chumadh riut 's air an sar dheanamh, eadar \$10.00 us \$25.00, a reir an aodaich.

Cloth Chowes,
Cloth Chlondaic,
Clothan Canadaeh,
Albannach agus Sasunnach.

Triubhsairean bho \$3.00 suas.

Niall Mac Coinnich,
SIDNI MINES, C. B.

LEABHRAICHEAN GAILIC.

<i>Clarsach an Doire</i> , le Niall MacLeod,	\$1.00
<i>Na Baird Ghaidhealach</i> , bho 1775 gu 1825, leis an Urr. A. Mac G. Sinclair	.35
<i>Orain Iain Luim</i>	.35
<i>Grammar Gailig</i> , le Dr. H. C. Mac 'Illiosa	1.10
<i>Gaelic Class Book</i>	.35

Cuirear aon sam bith de na leabhraichean so leis a phosta air son a phris ainmichte. Sgrìobh gu—

J. G. MacKINNON,
Publisher "Mac-Talla,"
Sydney C. B.

IAIN MAC-AN-FHLEISDEIR, EASBUIG ROIS.

B'e Iain Mac-an-fhleisdeir comh-airleach-rioghachd agus seanachaidh coraharraichte a ghabh gu dichiollach taobh Mairi ban-righ nan Albannach, agus rugadh e air an 29mh la dhe'n mhios Sultaine, 1526. Chaidh fhoghlum airson seirbhis na h-eaglaise, agus air a 15mh la dhe'n ògmhios, 1546, fhuair e aite anns a' chathair easbuig aig Abareadhain. Chaidh e do'n Fhraing an 1549, agus dh'ionnsaich e gnothaichean nan lagha an caochladh aiteachan. Fhuair e òrdugh bhon bhan-righ a thilleadh an 1554, agus anns a' mhios Lùnasdail 1558 chaidh a dheanamh na ard-bhios car air sgrìeachd-easbuig Abareadhain. Nuair a thainig ìmhreitean an ath-leasachaidh air Albainn, ghabh e san taobh Eaglais na Roinne, agus bha deas-boireachd mu gnothaichean na h-eaglais sin eadar e fhein agus Iain Noes, ann an 1560. An deigh bas Righ Fraing II na Frainge, fhuair e misneach bho a luchd-chreidimh a dhof do'n Fhraing a dh' iarraidh air Mairi, a' bhan-righ, tighinn do. Albainn. Chaidh e air bòrd luinge am measg luchd-leanmhuinn Mairi aig Calais 19mh la dhe'n Lùnasdail 1561, agus nuair a ràinig i Albainn bha e air a dheanamh 'na aon dhe na comhairlich aice. Beagan an deigh seo fhuair e a bhi na Abba Lndores, agus nuair a shiubhail Mac-na-ceardaich, easbuig Rois, 'sa' cheud mhios dhe'n bhliadhna 1565, fhuair e aite. Lean e a' bhan-righ nuair a theich i gu Sasunn, agus bha e air a dheanamh na phriosanach an Sasun an mìos Ceitein 1571, ach air iarrtus Righ na Frainge fhuair e fa sgaoil anns a' cheud mhios 1574. Chaidh a thilgeil am prìosain a rithist 'sa Gearmailt an 1578, nuair a bha e 'san duthaich sin a feuchainn a chàirdean fhaotainn a chuideachadh a bhana-mhaighstir rioghail. Rinn-eadh e 'na easbuig Coutances ann an Normandaih Iosal an 1593, ach dh' fhàg e gnothaichean an t-saoghail beagan an deigh sin, agus chaidh e do thaigh-manach aig Guirtenburg, faisg air Brussels air an do chaochail e.

Seann Chleas.

Shuidheadh grunnan de dh' oigridh nan cuairt air an lar, agus aon eile na sheasamh 'san teis-meadhon. Bha 'm fear sin le slait 'na laimh a tomhadh ris gach neach a bhiodh 'sa chuairt agus a' gabhail an duain so:—

"Inntran beag, anntan beag; cioba cubha, cioba cadha; da mhiar Neill 'ic Iain; Dughall gas a leigeil as; ceann a chaola caola slait; iad thall na coise deise; buail na stigh na stoc."

Am fear air an tigeadh am facal "stoc," bha aige ri ciridh agus a dhol an aite 'n fhir a bha 'na sheasamh; 's shuidheadh am fear sin aite-san. Fhuair mi an cleas agus an rann o neach a chumraic air a chluich e ann an Ontario an laithean 'oige. Theag-amh nach eil an rann aige uile gu leir mar bu choir dha bhith. Mur eil, dh' fhaoidte gu bheil cuid-eigin de leughadairean MHC-TALLA a chuireas ceart e.

E.


Am Feillire.

IUN, 1899.

- 1 Di-caoine La Dhruiméog, 1679.
- 2 Di-haoine Leòid, 1812.
- 3 Di-satharna Breith Thormoid oig Mhic
- 4 DI-DONAICH II. Donaich na Caingis.
- 5 Di-luain
- 6 Di-mairt
- 7 Di-ciaduin Bàs Righ Raibeart Brùs 1329
- 8 Dior-daoin
- 9 Di-haoine An Fhéil Chalum.
- 10 Di-satharna La Ghlinn Seile, 1719.
- 11 DI-DONAICH III. Donaich na Caingis.
- 12 Di-luain
- 13 Di-mairt An Fhéil Chairill.
- 14 Di-ciaduin La Naseby, 1645.
- 15 Dior-daoin
- 16 Di-haoine
- 17 Di-satharna La Naon-Ruairidh, 1689.
- 18 DI-DONAICH IV. Donaich na Caingis.
- 19 Di-luain [18] La Bhatloo, 1815.
- 20 Di-mairt
- 21 Di-ciaduin An la a's fhaide 'sa bhliadhna
- 22 Dior-daoin
- 23 Di-haoine An Fhéil Mhath-Luthaig.
- 24 Di-satharna
- 25 DI-DONAICH V. Donaich na Caingis.
- 26 Di-luain
- 27 Di-mairt Bàs Righ Deorsa IV., 1830.
- 28 Di-ciaduin Crùnadh na Banrigh, 1838.
- 29 Dior-daoin An Fhéil Pheadair 'us Pùil.
- 30 Di-haoine Bàs Eoghain-na-Pillidh, 1817

MUTHADH AN T-SOLUIS.

An Solus U',	8	2	6	M
A' Cheud Chairteal	16	5	32	M
An Solus Lan,	23	10	6	M
An Cairteal mu dheireadh	30	0	31	M



Aon sam bith air am bi nithean grunn a dhith air son adlacadh nam marbh, rachadh e do 'n bhuth aig

A. J. Beutan,

(Alasdair Mac Iain Bheutain)

a tha cumail gach ni a dh' fheumas a leithid.

CISTEACHAN-LAIDHE

dhe gach seorsa—beag us mor, geal us dubh—agus dhe gach seorsa fiodha—cruaidh us bog. **AODACHAN DUBHA** agus **ANART GEAL**, agus na h-uile seorsa **BATHAR-AIRGEID** us eile nach urrainnear ainmeachadh an so.

Faodar comhradh a dheanamh ris a cearna sam bith dhe 'n duthach air an

TELEPHONE No. 62.

A. J. BEUTAN.

Sidni, Maigh 19, '99.—6m.

The Sydneys' Ferry Co., Ltd.

RUITH AN AISEIG.

TIM CHLAR.

Gus an toirear fìos air atharrachadh seachad, bidh am bata ruith gach latha, mar a leanas:—

A FAGAIL

SHIDNI.	SHIDNI TUATH.
7.15 a. m.	8.15 a. m.
9.15 "	10.15 "
11.30 "	12.15 "
2.10 p. m.	3.00 p. m.
4.30 "	5.30 "

Fraegraradh na tursan so gu math air muinntir a bhios a falbh no tighinn air Rathaid-iar-uinn Shidni us Louisbourg.

A TAGHAL AIG VICTORIA PIER.

A FAGAIL

SHIDNI.	SHIDNI TUATH.
9.15 a. m.	12.15 p. m.
4.30 p. m.	5.30 "

Gheibhear na bataichean fhastheadh air son excursions le feorach anns an oifis.

J. A. YOUNG, Manager.

CLO-BHUALADH!
CLO-BHUALADH!

Am bheil clo-bhualadh de sheorsa sam bith agad ri dheanamh? Ma tha, sgrìobh dh' ionnsuidh MHC-TALLA, ag innse ciod a tha dhith ort.
Gabhaidh am MAC-TALLA as laimh clo-bhualadh a dheanamh ann an Gailig no ann am Beurla, agus bi an obair air a deanamh cho grinn 's cho math sa gheibh thu ann an aite sam bith.

CLO-BHUALADH!
CLO-BHUALADH!

Iarr air na Marsantan
EDDY'S

"EAGLE"	Parlor Matches	200s.
do.	do.	100s.
"VICTORIA"	do.	65s.
"LITTLE COMET"	do.	

AN SEORSA 'S FHEARR AIR AN T-SAOGHAL.
GUN SRAD PRONNAISG.

The E. B. EDDY CO., Limited,
HULL, P. Q.

J. E. EISAN.

PIANOS AGUS ORGAIN.

AN SEORSA 'S FHEARR
A THATAR A CREIC.

PRISEAN GLE REUSANTA.

SIDNI, C. B.

ROS & ROS,

FIR-TAGRAIDH, NOTAIREAN, &c

Airgead ri Thoirt Seachad an Iasad.

OIFIS: An Tigh a Bhanca.

Sidni, - - - C. B.

UISDEAN ROS, LL. B.
HOWARD S. ROS, B. A., LL. B.

UAMH HUNGA.

Tha uamh ann an eilean Hoonga, aon do na h-eileanan àillidh tha ann an cuan mòr sìochail na h-airde deas, agus cha'n 'eil dòigh air dol a stigh do'n uaimh so, ach le snàmh fo'n uisge agus an sin eiridh suas do'n uaimh. Fhuarus a mach an uamh so le ceann feadhna òg a bha anns an eilein so. Bha e, mar tha muinntir an àite, ro theòm air an t-shnàmh. Thachair dha bhì aon latha 'mach air an fhaerge ag iasgach no a' glacadh seòrs' èisg ris an canar Turtur. Chaidh an t-iasg so fodha, agus lean a t-òganach e a stigh troimh fhosgladh farsuing a bha anns a' chruig fo'n fhaerge. Thainig an t-iasg an uachdar anns an uaimh mhòr fharsuing a bha 'fosgladh gu h-ìosal fo'n t-sàile, agus thainig an t-iasgair òg an uachdar san àite cheudna as a dhèigh. Ach ciod an t-iogh-nadh a bh'air e féin fhaotainn ann an talla ard farsuinn anns am faodadh loingeas snàmh, agus seòmraichean mu'n cuairt do'n àite, bha farsuinn seasgair, air an cleith o'n t-saoghal, anns am faodadh na ciadan iad féin fhalach! Cha robh an uamh uile gu léir dorcha, do bhrìgh gu'n robh tuill agus fosglaidhnean an sud 's an so, am measg nan creag, a bha a' leigeil a stigh soluis, agus a bha mar uinneagan aig an talla mhòr so; tuill agus fosglaidhnean anns an robh na mìltean do dh'eoin a faotainn farsaidh, agus a' togail analach oig. An deigh do'n òganach dlùth-bheachdachadh air an àit iongantach agus dhiomhair so, ghrad thùm e fo'n fhaerge, agus shnàmh e fo'n uisge gus an d'rainig e'n tràigh o'n d'fhalbh e. Thainig e mu'n curirt 'na dheigh so, gu'n robh cogadh fiulteach san eilean so, anns an d'fhuar aon fhine buaidh air fheadh eile. An lorg so bha teaghlach a' chinn fheadhna chuireadh fo cheann-sachadh air an dìteadh gu bàs piantail doruinneach. Bha aig an fhear so nighean aillidh eireachdail; agus bha'n ceann feadhna òg mu'n robh sinn a' labhairt, agus a' fhuair a mach an uamh, a call a chridhe an gaol air an òigh so, a bha nis maille r'a h-athair fo bhinn bàis. Chuir e roimhe a dheòin no dh'aindeoin a teasairginn. Theich i leis oidheh' àraid a dh'ionnsuidh na tràghad, léum iad a stigh do sgoth aotruim, agus dh'iomair iad 'ionnsuidh an àit' anns an robh an uamh. Dh'innis e dhi mu'n àite, nach b'urrainn na bha beò a leantainn, leis mar bha e air a chleith o'n t-saoghal. Tha na mnathan san àit so cho teòm air an t-shnàmh ris na fir, agus faodar a ràdh gur maighdeannan-mara gach aon diubbh. Nuair a rainig iad an t-àite, leum iad le chèile mach as an sgoth, thum iad fo'n fhaerge mar dheanadh ròn 's a chuilein, agus dh'èirich iad suas a rithist ann an uaimh!

Chàirich e a leannan ann an seòmar a stigh san uaimh, thug e o'àn gu h-àm biadh g'a h-ionnsuidh do gach seòrsa, aodach, agus an ola bu chubhruidh boladh, agus gach ni a b' urra'

dhi iarraidh. Cho' aontaich i' phosadh, ghlèidh e san àite sin i gun uiread amharus a bhì aig duine san eilein ciod a dh'èirich dhi, no c'ait an robh il!

Chuir an ceann-feadhna òg roimhe an t-eilein so fhàgail, e féin 's a theaghlach, 's a dhaoine, agus dol imrich do dh' eilein eile. Dh' uidheamaich iad an cuid sgothan—thog iad air falbh o'n tràigh. Bha esan san sgoth-thoisich agus an cabhlach beag ga leantainn. Stiùr e dh'ionnsuidh an àit' anns an robh an uamh agus a leannan. 'Nuair bha e fa chomhair an àite, ghairm e air sgiobha nan sgothan uile tighinn, dlùth, chruinnich iad mu'n cuairt da, dh'èirich e suas 'nan làthair, agus mar so labhair e r'a dhaoine. "Tha sinn" ars' esan "a' fàgail tìr ar n-òige, an tìr anns an d' rugadh sinn, agus tìr nan daoine bho'n d' thainig sinn. Tha gach ni," ars' esan, "mar a b' àill leam; buannaichidh sinn dhuinn féin tìr eile fada bho 'r naimbdean, ach" ars' esan "tha aon nì fhathast a dh' easbhuidh ormsa; bu mhiann leam bean a thoirt leam a rugadh an an eil-Hoonga. Fuirgheadh sibhse an so tiota beag gus an téid mise air tòir ban-rìghinn òg a bheir mi leam," le so léum e mach as an sgoth agus thum fo'n fhaerge as an t-sealladh! Cha robh dùil aca gum faiceadh iad an ceann-feadhna tuilleadh, ach mar a bha iad a' call an dòchais, dh' èirich e mach as an fhaerge le a leannan àillidh maille ris! Thog iad iòlach àrd ghairdeachais; dh' aithnich iad a' mhàighdeann òg—chuireadh a mach na raimh—thog iad iorram an dùthcha—agus ann an uine ghoirid bha eilean àillidh Hoonga as an t-shealladh.

C. N. G.

DH' IARRAMAID AIR

NA GAIDHEIL,

's air muinntir eile a tha air son "Typewriter" a cheannach, iad a dh' fheuchainn na

Blickensderfer No. 5,

mu 'n ceannaich iad seorsa sam bith eile. A phris, \$35.

Tha seorsachan eile againn cuideachd.

CREELMAN BROS.,

TYPEWRITER CO.

15 Adelaide St. East,
TORONTO, ONT.

Tha Droch Anail

MI-THAITNEACH.

Tha géireachd, losgadh-bràghaid, gaoth-arachd, agus meuran eile de OILION-ONAMH-AIDH a deanamh iomadh neich mi-shona.

Bheir K. D. C. agus K. D. C. Pills an anail gu bhì mar is còir dha bhì, agus leighidh iad cion-cuamhaidh, 's gach seòrsa tinneas-stamaig.

AIR AN DEAGH MHOLADH.

Sampull a Nasguidh.

K. D. C. COMPANY, Ltd.,

New Glasgow, —agus— 127 State St.,
Nobha Scotia, Boston Mass.

BATHAR CRUAIDH.

Iarunn,
Uidheaman Saoirsneachd,
Uidheaman Gaibhneachd,
Tairnnean, &c.

LEABHRAICHEAN.

Leabhraichean Sgoile,
Leabhraichean Leughaidh,
Leabhraichean Nollaig
us Bliadhn' Uire, &c.

AIG—

C. P. MOORE,

SIDNI, C. B.

BATHAR CRUAIDH.

Tha mi a nise 'cumail Bathar cruaidh dhe gach seorsa, agus ma tha Sabh Tuagh, Locair, Glas, Sgian, no Tairnean a dhith ort, feuch gu 'n taghal thu orm. Tha mi, mar a b' abhaist, a' creic Pant, Olla, Varnish, Putty, Glaine, Paipear-balla agus gach ni eile air son do thigh a dheanamh seasgair agus briagha. Tha mi 'creic gach ni gle shaor.

Aonghas Mac Leoid,

SIDNI, C. B.

GHEIBH THU

AN TI

A's fhearr 'sa Mhargadh.

NA BROGAN

A's Fhaide Mhaireas.

—AIG—

TORMAD DOMHNULLACH,

SIDNI, C. B.

Brogan matha air 75c. agus 90c
Deiseachan o \$3.50 gu \$9.50
Triubhsairean air 90c

TORMAD DOMHNULLACH.

50 YEARS' EXPERIENCE

PATENTS

**TRADE MARKS
DESIGNS
COPYRIGHTS & C.**

Anyone sending a sketch and description may quickly ascertain our opinion free whether an invention is probably patentable. Communications strictly confidential. Handbook on Patents sent free. Oldest agency for securing patents. Patents taken through Munn & Co. receive special notice, without charge, in the

Scientific American.

A handsomely illustrated weekly. Largest circulation of any scientific journal. Terms, \$3 a year; four months, \$1. Sold by all newsdealers.

MUNN & Co. 361 Broadway, New York

Branch Office, 625 F St., Washington, D. C.

**THE
DAILY RECORD.**

**PAIPEAR LAITHEIL
CHEAP BREATUNN.**

**Air a Chur a Mach a
h-Uile Maduinn, ann
an Sidni, C. B.**

A PHRIS:

Bliadhna, \$3.00
Sia miosan, 1.50
Tri miosan,75

**A PHRIS RI PHAIGHEADH
ROMH LAIMH.**

Gheibhear anns an "Record" na naigheachdan a's uire, a tighinn leis an telegraph as gach cearna dhe 'n t-saoghal; naigheachdan an eilein agus na siorrachd; fiosan mu na meinnean 's mu na soithich ean, etc., etc.

**'S COIR DHUT A
GHABHAIL.**

SGRIBH GU—
JOS. MacDONALD,
Editor and Publisher,
Sydney, C. B.

C. H. HARRINGTON & CO.

Na Marsantan a's Fhaide tha Deanamh Gnotbuich ann an Sidni.

THA IAD A' CREIC

Flur, Min, agus Amhlan;
Brogan, Botuinnan, Rubbers;
Soithichean Glaine agus
Creadha;

na 's saoire na gheibhear iad aig mar-sauta sam bith eile 'sa bhaile.

"SALADA TEA,"

Na Puinnd 's na Leth-Phuinnd; an ti a's fhearr a tha 'n Ceap Breatunn air a phris.

A. J. G. MacEACHUINN,
Fear - Tagraidh, Comhairliche,
NOTAIR, &c.

Fear-ionaid àrd-chuirtean Nobha Scotia agus Newfoundland.

SIDNI, C. B.

Ioseph A. MacGillios, Q. C., M. P.

**FEAR-TAGRAIDH, COMHAIRLICHE,
NOTAIR, &c.**

SIDNI, C. B.